

皇朝經世文編

皇朝經世文編卷八十八目錄

兵敗十九苗助

坊苗

修邊

練勇

沼苗

與尹制府論綏理苗疆書

陳勛撫古州苗匪疏

陳綏定苗疆方略劄子

答齊總兵書

進勛義甯逆苗條議

纂省訓練鄉勇疏

內湖責征苗記

湖南按察使贈巡撫傅鼐傳

平黎立縣議

請禁崖州營將肆虐狀

魏源

傅鼐

傅鼐

傅鼐

晏斯盛

鄂爾泰

楊名時

金鉉

楊錫綬

楊錫綬

魏源

魏源

何繩

陶元滔

議設土舍之患狀

論平臺灣生番書

請除苗弩毒藥疏

陳解毒藥方疏

議邊疆事宜四款疏

陶元渚

藍鼎元

高其倬

李 紱

鄭爾康

皇朝經世文編卷八十八

兵政十九 苗防

善化賈長齡稿庚輯

坊苗

魏源

撫苗如撫子。備苗如備疾。禦苗如禦水。攻苗如攻伏。撫苗道二。文告不與。目不詩書。足不城市。奚知交。奚知告。則聚所欲。歟則去所惡。歟何謂所欲。鹽布入於峒。藥材出於山。何謂所惡。募苗不留於寨。奸民不入於寨。吏胥不擾於寨。備苗道三。兵哨不與。兵久則竊。哨久則圯。我以此往。彼以此拒。毋子其距。歟毋芽其勢。歟毋釀其漸。歟毋壞不疏。疏奚自而入。予其距。苗技習鎗矛。匪眦而鬪。鬪芽其寇。苗俗神巫鬼。椎牛而祭。祭耗其費。撫之善。備之勤。變乃不成。距不奪。芽不利。漸不懲。狼狽而飛。祭將食。人人曷禦之。又曷攻之。禦之百里之外。攻之于阻之內。攻之以兵。禦之以民。禦之之法曰。近其防閑。遙其聲勢。邊牆以限疆界。哨臺以守望。砲臺以堵敵。堡以聚家室。碉卡以守以戰。以遏出以截歸。邊牆互山澗。砲臺中邊牆。砲臺橫其衝。碉堡相其宜。凡制碉堡之法。近石以石。遠石以土。外石中土。留孔以槍。掘濠以防。碉容五人。堡乃衆藏。有三固。矢不洞。火不焚。盜不踰。有三便。族聚故心固。扼要故數。數倚角。故勢強。壁堅野清。乃可以攻。攻之之法曰。徵兵不如募勇。募勇不如土蠻。土蠻不如苗。攻苗習技藝。習登陟。習徑路。習虛實。習勞渴。習苗情。攻之之法曰。騎不如步。矢戟不如火槍。山叢徑仄。箐密澗曲。故騎射不宜。步利捷。槍利仰。攻之之法曰。合攻勿如分攻。緩攻勿如速攻。懸深巢不如屯沿邊。夫鷲鳥之將擊也。必盤空而出。不意其視審。其至捷。有不擊。擊必中。中必逝。苗窟若狡兔。然專則聚。聚則堅。緩則備。備則延。分攻故不能相顧。來去不測。故備勿及。不株及。故黨與離。屯邊故進退如意。聲東擊西如意。水土

糧餉如意。攻之之法。曰。因其信鬼而威之。因其貪利而購之。因其仇猜而離之。因其鄉導而用之。昔者諸葛武侯之渡瀘也。遣李恢將別部而地利明。選袁半勁卒而卒服習。若夫明殷正茂。韓雍。陳金。蔡經之於獠。李化龍。朱燮元之於蠻。明張岳。國朝張廣泗。席爾達之於苗。皆未有一道而成者也。未有不數道數哨。十數道十數哨。夾進互擊者也。大清之興也。平地則八旗爲一。遇險則各旗爲八。兵猶水也。因地而制變。然則馭苗蠻百世師者。誰乎。明廣西參將沈希儀。希儀之術如之何。曰。無如子備。如疾。縱禦水。驚攻。伏。

修邊

傳 籍

從來禦邊之道。固宜遙爲聲勢。尤宜近爲防閑。湖南苗疆。自乙卯用兵以後。將提督分駐辰州花園。添設綏靖鎮。保靖改爲參將營。乾州移駐辰州。協軍制整齊。聲勢稱雄焉。而苗路如梳。出沒無常。民間風鶴時驚。非於沿邊民村。籌設屯堡。添建卡礮。則不時竊擾。民不能耕。耕不能獲。非計之萬全也。蓋撫苗於既平之後。則宜寬防。苗於既撫之後。則宜密。今三廳自乾州交界之木林坪起。至中營所轄之四路口止。築圍牆百數十里。其界畫嚴矣。而又度險扼衝。籌設屯堡。聯以礮卡。計鳳凰廳境內。共設堡卡礮臺八百八十七座。永綏廳境內。汛堡礮樓共一百三十二座。乾州廳境內。汛堡卡礮共一百二十一座。古丈坪連保靖縣境內。汛堡礮樓共六十九座。各處相其地形。寨布星羅。遇有聲息。數百里柝聲相應。咸知警備。其修設之地。礮牆則沿山厯湖建之。礮臺則擇地勢衝要處立之。哨臺則於礮牆之間修之。卡礮屯堡。則因地制宜。其形或爲品字。或爲一字。或爲梅花。無成格也。其修設之制。礮牆則近石處用石。遠石處用土。堅築礮臺。則四面用石。中心築土。哨臺則用石砌成。四面各置礮眼。與礮樓同。其修設之用。礮牆則以嚴疆界。礮臺則以爲堵截攻戰之所。哨臺則以爲巡邏瞭望之

所屯堡則以爲邊民聚衛之所。卡礮則用以守亦用以戰。遏逆苗之來。截逆苗之歸。均可資也。至於防守之人。則選本地之勇。屯耕本地之田。捍衛本地之民。計鳳凰廳勇丁四千名。永乾古保四廳縣勇丁三千名。分布彌卡。有警則荷戈。無事則秉耒。不出梓里而聯絡密。防護周矣。然此猶防于外也。善後以來。又添設各寨苗弁。土塘苗兵。互相稽察。是以苗制苗之道也。而養之以叛。田佔田則以苗制苗者。又以苗養苗。防維密而辦理公彼。蠢爾之衆。有不安居樂業。投誠向化者哉。

練勇

傅鼎

昔唐韓愈有言。徵兵盈萬。不如招募三千。言鄉勇宜練也。前明戚繼光有言。美觀則不實用。實用則不美觀。言訓練宜精也。其在苗疆尤有不容疏者。苗人健捷如飛。非練勇不足以制之。宋史稱辰州刺史秦再雄。練土兵三千。皆能披甲渡水。歷山飛壘。自是一方乂安。無復邊患。練勇之效彰彰矣。今三廳自乙卯用兵以來。于沿邊營汛之外。屯練七千名。其練之技曰跑刀。曰綁鉛瓦跳高。曰爬坡。練登躡也。曰鳥鎗。曰砲。曰長矛。練遠攻也。曰拿棍。曰藤牌。曰雙刀。曰單刀。曰短刀。曰鐵尺。練近殺也。其練之丁。則有鎗手。刀矛手。暖手之分。而屯弁跟役。亦一體操演。至百總總旗與屯標各弁。於督操之餘。亦令習本身技藝。有惰廢者。必懲之。其練之時。練勇與屯丁。則有畧。練勇每年七月開操。至次年四月止。統計操練九十次。辰沅道則每季大操一次。屯丁每年十月開操。至次年正月止。統計操練三十六次。農隙仍不時演習。辰沅道則于正月內大操一次。至于寒暑泥濕。使耐勞苦。于山習步法。于水習涉法。于教場兼習陣法。此又法之不吝疎者。抑思古者簡閱。必明賞賤。辨等列。順少長。因令屯弁率勇丁於暇日。聽講武經孝經。每月朔望。聽講。聖諭。蓋又有以練其心也。前明戚繼光又云。練

兵之要。先在練將。凡屯弁務令推恩義。一號令約束堅明。與同甘苦。則勇丁用命。隨事皆有實效。欽惟我皇上軫念邊民。賜定訓練章程。于屯弁勤能者拔補。供職者畱任。廢弛者革退。則屯弁皆知奮勉。即勇丁皆可精悍。何患邊圉之不靖。黎庶之不安哉。

治苗

傅鼎

湖南紅苗。最爲犢悍。自乙卯滋事。我皇上遣師戡境。恩威並用。莫不投誠恐後矣。而犬羊之性。叛服無常。常無事而謀久安。惟有以移其習俗。奠其身家。格其心思。苗乃可得而治也。苗俗男女皆蓄髮。而性好鬪。矛戟火鎗諸凶器。出入必攜。仍其俗則桀悍之風益長。而不可制。今則三總中共繳刀若下。鎗若干。不許更造。而髮則不論生熟。苗人皆令薙之。俗又信鬼。多淫祀。每歲各寨中。宰牛延巫。所費不貲。故用款則性益貪。性益貪則刼奪易起。今則作鬼跳鼓。藏諸習。嚴行禁止。計苗寨中。歲可省牛數萬頭。歲可省費數十萬金。而每歲秋糧。又撥田爲之完納。則耕種所獲。祇以自給。而耗費者少矣。至于客民盤剝。差役研索。歷來擾苗之大者。今則于苗民交界處。設集場。限期交易。官弁監之。負販小民入苗寨者。則有刑。遇有爭訟。書差俱禁入寨。令苗弁送兩造入城。朝訟夕結。不使牽累。至偷盜細事。責苗弁查拏。機密要事。則令熟員訪查。凡干法者。置重典。夫如是。則苗之身家無擾。苗之心思亦漸馴矣。然不申之以教。恐其心猶未格也。今則添修苗館若干處。延師訓講。使知孝親敬長之道。進退損讓之禮。而其中苗生尤俊秀者。取入書院肄業。使知奮勉。久之。則今日書院之苗生。即可爲異日各寨之苗師。以苗訓苗。數易入而感動尤神。則禮義興而匪僻消。苗與漢人無異矣。夫苗異于民。據腹無常。由來舊矣。今一日習俗移。身家安心思格。始則內民外苗。禽殘革而民服神。繼且即苗即民。畛域化而文

教治。何必斤斤防範之爲事哉。

籌畫固至然近日則屯練祇成具文義學尤爲虛設矣信乎有治人無治法也

與尹制府論綏理苗疆書

晏斯盛

滇黔苦兵久矣。其素既無以服之。其繼皆有所以激之。文武員吏貪利而倖功。苟且一時。斷未有能善其後者。彼地險隘而性犷悍。則固已難。既剿而綏撫之使長治久安尤難。然治安之要在於得人。得其人而治之安之。則亦無不可久長也。其人務以清靜爲體。以縝密精明寬大爲用。始也制要害而周爲之防。繼也因習熟而利爲之道。斯亦可矣。夫大化之所及。必有其漸。非可以旦夕期。而強驅之以就吾法。以異類之屬。本俟氣化而欲以力制。是無異期豺虎之盡爲馴虞。力大者或偶一納諸閑而不覺。至閑之不修。而迫而狎之。必怒爪張牙。所傷實多。嘗攷禹貢五百里荒服。其三百里蠻。說者曰。蠻之言慢也。謂禮儀簡慢。因其俗而治之也。又漢書云。班超爲西域都護。甚得衆心。超召還。任尙代之。尙謂超曰。君侯在外國三十餘年。而小人猥承君後。宜有以教之。超曰。塞外吏士。非孝子順孫。蠻夷懷鳥獸之心。難養易敗。宜蕩佚簡易。寬小過。總大綱而已。觀此足知荒服之槩。亦以知古今之無二道形勢之無兩端矣。抑又觀兵之爲用。必熟練於平日。未可取辦於臨時。今日之兵。平日皆游手蕩閒。驕而且懦。驟而遣之。不堪用命。且處處虧缺。一經遣調。本處輒孤弱無恃。此又未講於武衛之制也。禹貢綏服五百里。三百里揆文教而外。其二百里奮武衛。武衛綏服且奮。況荒服乎。兵師也。師衆也。衆民也。今固不能如古師田之法。而軌里連鄉。內政軍令之寄。便宜可用。或於附近苗獠尙須防守之地。固保甲而默修其團練。裕器具。習擊刺。曉進退。則有恃無恐。賊亦知所畏避。不敢以逞。久之。此勝彼衰。強弱立判。且良民

者國之本也。愛養未周。饑寒不免。或又苦於官法。惟曰怨咨。則異族之欲向化者。且視爲畏途。而更化更難言矣。以黔言之。田少山多。土瘠民貧。又加以夫役之煩。征調之數。不遑耕讀。日事奔馳。雇倩充應。典賣不支。清平一路。甚至以額設夫馬。火牌勦合。俱令土民承當。前令於土民不服者。輒置之法。殊爲未便。雖然。此時此事。權宜可也。今既撤兵。暫得休息。有賢有司。靜而理之。慎防禦而平爭訟。使得力橋務本。卽享無事之福。驟登太平。竊嘗總其形勢。貴陽安順遵義。地坦民庶。不減內地。可以永安。大定南籠思南石阡平越。久經緝甯。地形雖險。而人民之繁庶。可久。亦不減貴陽諸大郡。鎮遠黎平都勻思州銅仁。地逼新疆。賑卹其久困之民。馴柔其新定之苗。一意甯謐。而扼制其險要。亦未嘗不可以永安。他如貴陽之定番廣順二州。安順之鎮甯永甯普定三州。縣大定之威寧平遠二州。南籠之普安安南永豐三州縣。民間與苗獠。各有親串。略宜稽訪。亦可以觀其出入動靜之機。總之。地方之安否。惟在親民之有司。勿作無益。以害有益。勿規小利。而忘大經。勿工於悅上。而紕於信民。勿執私見。而昧恒理。庶幾乎足副大人之訓也。雖然難矣。院司道位高而勢隔。人心之不同。如其面。有司孰不欲其賢。而不如所期者。常八九難矣。雖然。太守者。州縣之表帥。而上下之樞機也。苟得其人。則州縣之承風旨而凜憲法者。可朝令而夕至也。某五月初開考貴陽。六月中竣事。六月二十二至安順。現在考試兩郡生童。與考者俱倍多於前。足覩民間餘力。併聞。

陳剿撫古州苗匪疏 雍正八年

雲貴廣西總督鄂爾泰

竊查古州三保地近諸葛大營。而車寨尤逼處營側。營基乃其舊地。今既就地建營。豈遂帖服。況撫臣張廣泗前往招撫時。原止結以恩惠。並未示以兵威。苗性犬羊。何知信義。爲久長計。臣並不能安枕。去歲在黔時。曾面

誠張廣泗謂必當相機剿除。以圖善後。回漢又切札告之。據獲車寨恭順。已如內地。實可放心。副將趙之英所稟亦同。臣答云。愚非好殺人者。人所共信。但恐今日不殺。少日後將殺多。反是罪過耳。如果恭順。何須加兵。其餘不恭順者。則無可姑息。此臣從前札論之節要也。查上江之要隘。在來牛。下江之咽喉。在涪洞。諸葛營在中權。以扼首尾。變遠嘉波在兩頭。以作關鍵。形勢所在。應計全局。若一處或縱兇頑。將諸務皆有阻礙。利害不在目前。功過自有。聖鑒。乃諸臣始終信其恭順。一意姑容。果致有日月等寨之變。臣立即切札撫臣。並嚴諭

軍前文武。以古州三保。既表示以軍威。亦未曉以法紀。寸鐵未繳。一人不殺。而驟望其宵帖。無此理。無此事。此番反覆。固早在意料中。猶不幸中之幸事。今六寨肆惡。其中必有一寨主謀。時刻隱憂者車寨耳。今反以車寨洗白爲辭。若無反念。何用洗白。既欲洗白於後。何不出首於先。萬勿失此機會。更待後舉。凡事務籌遠久。斷不忽少有支節。難固不辭罪。亦不避僞。目前惟圖苟安。日後又將有事。卽遲至十年二十年。官去身亡。猶有餘愧。猶有餘恨。續據張鉞道文英等報。六寨剿洗後。羣寨膽落。其滾裏一處有龍早。佳沙。黨祥。擺裏。黨鳩。分遞膽寨。曾逞兇悍。伏草傷人。隨後遵諭料理。查遠裏地方。共計七寨。路徑既熟。懲創已遍。倘不獻兇繳器。洗之甚易。隨於初九日撤兵回營。料理車寨。臣隨卽批飭。車寨爲腹心之患。屢經密諭嚴剿。蓋亦幾經籌畫。非了無確見者。詎料此報甫帖。彼橫暴。直信不疑。惟恐多事。不知該文武等。何愛於車寨。始則養癰。繼則諱疾。若必欲庇護而聽從之者。今日潛爲日月六寨之主謀。暗作龍早等寨之羽翼。此實老姦巨猾。決非蠢苗可比。若復姑息養姦。終必受其大害。今亦無多言。示剿示撫。聽汝等爲之。王法無私。軍令具在。惟功與罪。其各自取大約。兇器不盡繳兇寨不盡除。則如何。調劑如何。撫綏恐終爲不終年之計。以云善後。則萬不可得之數也。隨據趙文英等

稟稱車寨苗民自招撫以來。加恩實倍他處。乃該苗外雖恭順。中懷叵測。前勦定日時。苗民卽有悔錯聽車寨之語。勦除日月寨。車寨有人助鎗。昨攻中保。擒苗頭。亦供車寨勾結情形。請早寨內。又有車寨之人。今日始知批諭所云。腹心之害不除。則四肢百骸。終不平和。實爲深知灼見。前此第據其外貌之恭順。並不能察其中藏之險惡。目下一面導諭。察察溶洞。滾塘誠僞。一面親赴上下江。會勘酌議安置。全盤收拾。可望永甯等情。臣隨復批飭。以全局未定。難與圖成大計。既除尤須防後。但屬軍器。必盡勒繳無餘。凡有兇頑。必盡嚴拏正法。老弱幼稚。必分別安插之方。逃散流亡。必審處招集之策。至該寨地址。或分營駐劄。或招集住居。應熟籌妥議。其溶洞雖無抗違。滾塘雖已肅清。正當察其情形。乘此速爲布置。勿以一簣之虧。致廢九仞之力。則火種必然。草根致蔓。無事而有事。又將多事矣。臣等得古州等處地方。遼闊險深。界連楚粵。加以强悍。富庶器械具全。故千百年來。皆棄置化外。而不能制。今雖仰賴聖主威德。指授精詳。剿撫開通。已二三千里。前後所收鎗械。亦二三萬件。然籌度情勢。欲其知敬知畏。不敢違兇。縱少有蠢動。隨時殄滅。似一二年內。尙可以就緒。若欲其知禮讓。知法度。革心服化。一變馴良。此內地所狎難。卽悉心調治。亦非十年不能伏念臣身受殊知。萬難報稱。所以自信者。只此一心。若或草率辦理。粉飾苟安。是昧天良。是滅人理。斷不敢暴棄至此。但新闢苗疆。約共十餘處。計地數千餘里。能整頓易求安。當難選才幹之員。猶易得忠誠之人。甚難惟督撫大吏。或自用聰明。或專慮成敗。欲見長而獲短。不因事以從人。則雖有賢能。又將不能用。亦且不爲所用。臣不揣愚鈍。爲方隅百年計。念茲全黔。念及滇粵。重念及川楚。輾轉籌思。輒徹夜不能寐。私心自警。惟有矢竭血誠。及身努力。期無負我慈父。以免爲罪臣。而凡遇文武僚屬。傾吐肺腑。務規以正。望爲邊疆保障。以備國家任使已耳。

陳綏定苗疆方略劄子 乾隆元年

楊名時

竊惟馭夷之道。貴在蠲磨。服貳之方。務彰誠信。止戈所以爲武。惟德足以感人。從未有怨毒猜嫌。而能長久需帖者。查貴州接壤苗疆地方。生苗在南。漢人在北。而熟苗居其中間。與內地犬牙相錯。爲漢人傭工雇值。彼此相安。其來已久。若生苗則盤踞深山密箐之中。足跡不入內地。且有熟苗以爲捍禦。時以官兵威力相恐喝。故生苗亦絕不萌窺伺之想。自開拓苗疆之計行。於是生苗地界。爲官兵所駐劄。漸次踞其土地。干戈日尋。而生苗始不得安其所。官兵駐劄之地。山高路阻。水泉不通。食貨百無一產。軍糧運至山下。官兵接運山上。尙有二十里之遠。勞苦驚惶。妻孥隔絕。而官兵亦不得安其所。百姓改折色爲本色。少給腳價。責令運送軍糧。費用加倍。終年不息。且每被抄劫。而百姓益不得安其所。至於熟苗之苦累。更有數倍於兵民者。無事時則供饒運力役。用兵時則爲嚮導。前驅軍民待之如奴隸。生苗疾之若寇讐。官兵勝則生苗乘間抄殺以泄忿。生苗勝而官兵又混行屠戮以冒功。此熟苗之所以愈不得安其所也。竊念開拓苗疆。本欲登斯民於衽席。而竟致官兵百姓。生熟苗人。人人有赴湯蹈火之慘。有讎者已決其有不靖之勢矣。至速禍而激變。約有兩端。苗疆本未甯謐。而地方官遽言人盡抒誠。請加賞賜。生苗得賞者十之二三。而不得賞者十居七八。貪心不遂。已生叛心。加以熟苗勞重累深。全無賞賚。愈增怨忿。因而勾結生苗以作亂。至於不可禁禦。又從前開疆拓地。止及古州清江等處。而台拱地方。猶在化外。自有司迎合邀功。輒云台拱苗人願獻其地。以爲官兵安營立汛之所。上司不察。竟議駐兵。而台拱生苗。遂將官兵圍困。經兩次遣兵救援。悉皆全軍覆沒。後至生熟苗人合併。因而侵軼內地。往時內地防駐之兵。皆以開拓苗疆之故。大半移駐苗界。而內地反致兵單汛弱。苗人如入空虛之境。兼以

道路險易。爲熟苗所深悉。無慮不被蹂躪。間有就撫熟苗。又被武臣慘戮。甚至賣其妻女。以入私橐。其脫逃者。歸告徒黨。賊志益堅。人懷必死。多手刃妻女。然後抗拒官兵。以致鋒不可當。敗衄屢告。百姓流離死徙。不可勝計。此皆無罪平民。我國家百餘年來。休養而生息之者也。目下黔省大臣奏報。度必以苗人殄滅幾盡。難民復業過半。苗疆不日底定爲辭。然以臣計之。蓋有未可全信者。從來用兵之計。不過曰勦與撫而已。今欲勦則夷方山勢陡絕。鳥道僅通一線。一夫據之。百人不敢過。卽有時乘其不備。奪險而進。而苗人本無屯積。相率滾箐而走。官兵熟視其去。莫可誰何。凡飛報大捷。多屬此類。此勦之所以難也。若欲撫之。則苗人積怨已深。且幾番受誑。俱懷疑懼。加以有險可恃。非常萬不得已之時。恐不肯輕就籠絡。此撫之所以難也。爲今日計。唯有下剴切之詔。布寬大之恩。棄苗疆而不取。將重兵駐內地。修築城垣。於要害處所。增立壁壘。屹立互峙。若布星羅。俾民有可依。兵有可守。賊來則互相應援。協力擒捕。賊去則分兵撲滅。勿事窮追。再懸賞格。以購渠魁。而脅從罔治。有能擒縛首惡投誠。及所犯本輕。而率衆歸順。或鄰近苗人。奮勇殺賊。驗明首功者。皆給與土官世襲。分管其地。一面加意撫綏熟苗。勿使爲生苗所劫掠。爲官兵所欺凌。如此調劑。生苗得所棲託。熟苗又荷生全。自當俛首帖心。抒誠向化。若因循修飾。臣恐兵端不能遽息。糜餉勞民。終非永遠甯邊之善策也。

此鄂公去滇後。官吏辦理不善。以致激變之情形也。故附之文端諸疏後。以見非常之原。不但創始難善。後尤難然。因此遂欲盡棄前功。復還苗地。是則因噎廢食矣。迄今百年來。黔滇安堵。人人服文端之功。而後知遠大之猷。固事久論定也。

接教暨文武各稟初十進攻情形。雖未勦滅賊巢。而我兵軍威稍振矣。前以標弁回省。面稟鄧橫情形。按圖籌畫。爲攻圍二策。或可少補千慮之一。茲者鄧橫東西南三面俱築圍牆。此誠令其糧盡自斃之計。但聞日落緊閉營門。天明信礮方開。夜間任賊披猖來往。此大不可按賊寨北面臨河。賊若無糧。必於此間渡河搬運。寨中之糧未盡。寨外之糧復來。賊何由斃。雖圍無益。若云唇齒相依。歸罪於別村別寨之私賣。獨不思重兵壓臨其地。尙敢無忌肆行。則別村別寨有不畏之如虎。唯命是從者乎。此未可專咎之私賣也。據僕之愚。應於北河一帶。每夜添設巡兵三百名。逐營逐夜輪班更換。以均勞逸。該兵若干。給與號令。設遇賊人渡河搬糧者。卽聲號截殺。該班營將領兵。卽刻策應。誤者處以軍法。至於三面圍牆之外。亦應量地遠近。計兵多寡。分段撥兵巡瞭。以防排牆搬運之事。設有縱逸。責有攸歸。此困圍絕糧之策也。查得賊寨形如品字。名曰三貫。外竹內塘。今復備禦兩月。益加完固。初十之合攻。將可謂勇。兵可謂銳。搶奪礮臺。進逼賊寨三四次。可稱竭力用命矣。奈賊徒潛藏牆內。暗放鎗標。路徑窄狹。官兵不能成列而進。當先者受傷。在後者無從措手。竭蹶合攻而不能破者。當實限於地勢之不便耳。爲今之計。其外層竹圍須用火攻。雖係青等。若多堆乾柴。火力卽大。必能焚燒。其隔牆土牆雖堅。若撞大礮逼近施放。自可洞牆徹屋。進攻之兵不必過多。實無所用力。亦不必令合攻。合則兵力不繼。今查現在官兵三千四百餘名。土兵二千六百餘名。以官兵三千計。分爲三班。每一日一千名爲一班。內撥五百。先從四甲儘力進攻。蓋因四甲寨旁有黃土小坡。平衍可窺寨內。若奪得此坡。鎗礮疊施。便於攻取。而進攻之法。應將制軍所發擡牌數十面。盡行浸濕。一人扛牌。一人扶把。排列先行。刀手鎗手錯雜隨牌以進。只用進步排鎗從牌涼打出。然必見賊而後放鎗。切不可似平日演習連環。隨手向空施放。使賊避我鎗。而賊

鎗反出我之不意。若賊寨有緊要礮臺。須將送到之定南礮專擊。礮臺之賊不得存身。則礮臺之近者可奪。遠者無用矣。再將土兵亦分三班。撥三百名。令抬大礮挑乾柴。多帶攔牆器械。跟隨在後。遇竹便燒。遇牆便拆。遇柵便斫。遇塘濠不能渡者。一面令兵或拆牆填濠。或斫竹搭橋。一面抬礮大礮。攻打隔塘之牆屋。凡有賊寨牆孔。可以放鎗傷我之處。官兵即將攔牌救護。使土兵得以放膽用力。總之不燒其竹。不拆其牆。不火其屋。不填其塘。賊有藏身之所。兵無立足之地。終難成功。必須逐步攻打。即逐步拆毀。逐層攻打。即逐層拆毀。自然漸次逼入。若能攻破門甲。官兵即便駐劄其中。勢如破竹矣。此外五百名內。撥一百名帶土兵一百名。向六甲。又撥一百名帶土兵一百名。向九甲。遙爲牽制。以奪其勢。其餘三百名。令果敢將帥統率。前後應援。再令能員居高瞭望。若六甲九甲。果可乘虛而入。則舉動號旗。牽制之兵可進取。援應之兵亦即協攻。夫兵既分作三班。三日輪攻一次。我兵有休養之期。賊徒無喘息之候。若賊每日如此躲藏。官兵每日如此攻擊。不過旬日。破之必矣。若賊情極勢窮。拚命決死。官兵更可併力殺賊。以洗前恥。此攻戰寸進尺取之策也。至於言不盡意。惟賴臨時調劑。布置得宜。若止驟然竭力一攻。攻不能進。進即退出。遂擇日以俟。遷延時日。師老兵疲。豈計之得哉。僕非泛論攻圍之法。乃就鄂橫形勢。再三籌畫。恐舍此不能破此寨。且二策必須並用。圍則截其外援。糧盡自斃。固可計日而待攻。則毀其巢穴。躲藏無窟。更可立絕其命。況官兵一日進攻。兩日歇息。賊易破而兵不勞。望速用以試其可。

進剿義甯苗條議 乾隆 年

楊錫綬

竊照義甯苗條悖叛不法。憲臺調兵進剿。并定議分兵三路。一石村。一龍勝。一貝子堡。同時並進。使賊勢分力。

弱區區小醜。蟻合蜂聚。釜底遊魂。行見立蒼斧鉞。顧克敵之謀。在圖其要領。謹據一得之愚。爲憲臺陳之。查石村一路。爲賊衆聚集。併力死拒之地。故我兵四千相持一月。尙不能取勝。今奉憲臺指書。令貝子龍勝兩路俱進。以散其附和。孤其併力。卽所以籌石村也。然兵至四千。遂終日深溝高壘而已乎。夫兵論強弱。不論衆寡。在用之何如耳。以石村近日稟報情形而論。初二日之挫。則以搜害深路。猝然遇伏。諸將不相顧援也。十五日之挫。則以進據山梁。賊衆來薄。我兵人無鬪志也。非賊之火藥多於我之火藥也。非賊之器械精於我之器械也。非我已安詳謀定。中堅兩翼。井井有條。奇正相角。再接再厲。而見其彼強我弱也。且苗犛男女服飾不異。動則妻兒子女俱隨。又大兵之聲勢未張。卽願降村寨。亦迫於兇惡之勢。而姑且附和。以徐觀其勝負。則軍前之所謂漫山遍野。整千成萬者。安知不係老妻幼子。俱在其內乎。安知不有願降村寨。亦姑助之搖旗呼噪乎。況此等兇頑。究係漢奸煽惑。致成騎虎之勢。非真有圖大事謀不軌之心也。得意則附。失意則離。非真有衆志成城。固結莫解之勢也。我兵一戰而勝。則散其十之一。再戰而勝。則散其十之二。三戰而勝。則散其十之三。四五矣。聞十八日之舉。我兵小勝。卽有地林等寨七頭人。來營投誠。此非其明驗乎。但此時官兵拘於衆寡之形。人多怯志。卽諸將多非久歷行間之人。冒少成算。欲挫兇惡之威。須鼓我兵之氣。欲鼓我兵之氣。莫如於鄉勇士兵之中。挑選敢死之十二百人。爲我軍先鋒。其挑選之法。懸以重賞。誓以必死。殺賊再與重賞。拔補不測。許以厚郵。其家其用之之法。毋論兇苗來犯。或我兵進攻頭隊。令官兵施放鎗砲。卽令此敢死之士隨之。敵少懈。或近前直犯。領兵之員。卽應敢死之士。人持順刀或標鎗。併力前進。直刺直砍。而大兵繼之。稍有退怯者。卽斬以徇。夫一人拚命。百夫辟易。況數百人奮不顧身乎。如此而戰。未有不勝一勝而我兵之氣作。再勝而我數千之師。

皆敢死矣。賊雖數萬。計一月可盡滅也。

粵省訓練鄉勇疏

楊錫綬

奉部議。廣西猺獞雜處。山深菁密。又連接鄰省諸苗。易於滋事。是以各州縣舊有鄉勇之處。多因逼近苗疆。其土著民人。能慣悉苗情。周知路徑。是以訓練鄉勇。以爲協助兵壯之用。今該布政使奏稱通省州縣鄉勇。有已經訓練者。亦有一名俱無者。請於通省州縣。俱令訓練鄉勇。其硝磺飯食之需。於鹽義公項給發等語。查訓練鄉勇。皆係民間自行團練。地方官弁。但司督率稽查。若如所奏量給充公銀兩。則與向來鄉勇之例。殊不畫一。且訓練之處。必其地鄰接苗寨。方爲有益。若并非苗人逼近之所。概爲添設。亦屬虛文。應將該布政使所奏。交與該省督撫詳悉查明。不必拘定通省州縣。但果係苗疆地方。實在應行添設之處。仍照向來訓練鄉勇之例。速奏明辦理可也。乾隆八年正月二十八日奉旨依議。欽此。臣等欽遵。飭司移行各道府州詳查去後。茲據藩臬二司查明酌議前來。臣等查粵西僻處邊隅。苗獞土獞雜錯而居。此輩生性蠻野。動輒仇殺相尋。是以向來地方居民。多自設鄉勇。以爲防衛。其中有堡卒耕兵。隘丁狼兵。土丁名色不等。均之皆鄉勇也。凡此選當鄉勇堡卒狼兵。隘丁耕兵土丁之人。或有公遺田畝。充其役者。即食其田。或村寨相沿。資其力者。即公其資。大約無事則把守隘口。捍衛莊村。有事則差遣委用。聽於州縣。由來已久。亦不知起於何時。迨我國祿承平日久。重熙累洽。苗獞土獞漸知畏法。此項鄉勇人等。遂不無人數不足。及者弱應役之弊。至於州縣官。或有循乎向例。每歲冬間。調集操練獎賞一次者。亦有向不操練。即因仍其舊者。此布政使唐綬祖所以有請一體團練之奏也。但所屬州縣。有逼近苗獞與不逼近苗獞之分。而鄉勇原係民間自行團練。亦可毋庸另給充公銀兩。以